

## BUTTON, Syr THOMAS (bu farw Ebrill 1634), llyngesydd ac anturwr

**Enw:** Thomas Button  
**Dyddiad marw:** Ebrill 1634  
**Priod:** Mary Button (née Rice)  
**Plentyn:** Ann Laugharne (née Button)  
**Plentyn:** Elizabeth Poyer (née Button)  
**Plentyn:** Miles Button  
**Rhiant:** Margaret Button (née Lewis)  
**Rhiant:** Miles Button  
**Rhyw:** Gwryw  
**Galwedigaeth:** llyngesydd ac anturwr  
**Maes gweithgaredd:** Milwrol; Teithio  
**Awdur:** Ifor Ball Powell

Pedwerydd mab Miles Button, siryf Morgannwg yn 1565, 1571, a 1589, a Margaret, merch [Edward Lewis](#), y Van, Caerffili. Daethai'r teulu i feddu Worleton ym mhlwyf S. Lythan, Sir Forgannwg, maenor a werthasid gan esgobaeth Llandaf. Y mae'n debyg fod eu cartref ar y cychwyn yn y fan lle y saif y Dog Hill, sef ar draws Nant Golych o blwyf S. Lythan ac felly ym mhlwyf S. Nicholas; yn ddiweddarach, y mae'n bosibl mai yn ymyl y fan lle y saif y tŷ presennol a elwir Duffryn yr oedd y cartref. Ni wyddys ymha flwyddyn y ganwyd Thomas Button. Aeth i'r môr c. 1589.

Yn 1612-3 yr oedd yn bennaeth ymgyrch a anfonwyd i chwilio beth a ddaethai o Henry Hudson, ac i edrych a oedd yn bosibl myned trwy'r gogledd-orllewin i Asia; llwyddodd Button i archwilio rhan helaeth o Hudson Bay. Pan ddychwelodd cafodd ei wneuthur yn farchog gan Iago I. Am y gweddill o'i gyfnod hir yn y llynges bu'n gwasanaethu fel llyngesydd llongau'r brenin ar arfordir Iwerddon.

Priododd Mary, merch [Syr Walter Rice](#), Dinefwr, Sir Gaerfyrddin; bu iddynt saith o blant. Gwnaeth ei gartref yng Nghaerdydd.

Priododd Miles, ei fab hynaf, Barbara, ferch ac aeres [Rice Merrick](#), Cottrell, Morgannwg, daeth ei ferch Elizabeth yn wraig y cyrnol [John Poyer](#), a daeth ei ferch Ann yn wraig i [Rowland Laugharne](#). Ni wyddys pa le y bu Miles farw na pha le y'i claddwyd.

### Awdur

Ifor Ball Powell

### Ffynonellau

*Trafodion Anrhydeddus Gymdeithas y Cymmrodorion*, 1948, 35

G. T. Clark, *Glamorgan Worthies Some account of Sir Robert Mansel, Kt., Vice Admiral of England and Member of Parliament for the county of Glamorgan; and of Admiral Sir Thomas Button, Kt., of Worlton, and of Cardiff, in the county of Glamorgan* (Dowlais 1883)

J. S. Corbett, *Glamorgan Papers and Notes on the Lordship and its members* (1925)

D. R. Paterson, '[Button Gwinnett and his family associations with Glamorgan](#),' *Cardiff Naturalists' Society*, lxvi, 69-80

Edgar Jones, 'Dog Hill, Duffryn,' yn *Archaeologia Cambrensis*, 1933, 398-9

### Dolenni Ychwanegol

Wikidata: [Q1338420](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC-RUU/1.0/> 

Nghymru a thu hwnt.

Ewch i'n [tudalen codi arian](#) am ragor o wybodaeth.

